

Euskal Herriko Ahotsak
ahotsak.com

Dominika Madinabeitia Elorza

*Eskoriatza,
Gipuzkoa
(1938)*

Aurkibidea



Biografia



Areano baserrian jaioa, Mendiola auzoan. Aita bertakoa zuen eta ama Oñatiko Araotz auzokoa. Hamabi senidetan bederatzigarrena izan zen. Gurasoak baserritik bizi ziren, baina seme-alaben ikasketei garrantzia eman zieten (Japonian ibilitako osaba baten eraginez, besteak beste). Zazpi urterekin Gasteizera bidali zuten, osaba-izeben etxera, eta hantxe egin zituen ikasketak. Magisteritza ikasi zuen. Hasieran gaztelaniaz eman zituen eskolak, Aretxabaletan ireki berri zuten eskola batean eta klase partikularrak Arrasaten. Bergarako gerraosteko lehen ikastolako lehenengo andereñoa izan zen gero, Elbira Zipitriarekin ikastaroa eginda, Donostian. Hizkuntzak ikastea eta erakustea zen bere griña, eta Bergaratik Parisera joan zen, eta handik Alemaniara. Bueltan, hizkuntzak erakusten ibili zen: CIM-en sortzaileetako bat izan zen (gaur egun Mondragon Lingua), euskarari ere tokia egin zion kooperatiba, Debagoienan eragin handia izan zuena.

Zintak

ESK-092

- **Proiektua:** Euskararen historia soziala Bergaran
- **Elkarrizketatzailea(k):** Etxeberria, Idoia
- **Data:** 2021-03-29
- **Iraupena:** 70 min
- **Euskarria:** Bideo digitala
- **Kodifikatzailea:** Agirrebeña, Aintzane

Pasarteak

1. Areano baserria barnetegi gisa

- **Erref:** ESK-092/002
- **Iraupena:** 0:02:18. **Hasi:** 00:01:31. **Bukatu:** 00:03:49
- **Multimedia:** bideoa online ikusgai

Gaia(k):

Laburpena:

Gurasoak baserriak bizi ziren eta bere belaunaldiak egin zuela baserrian aldaketa dio. Bera andereñoa izana da. Hizkuntzak irakasten zituen. Baserria barnetegi moduan prestatu zuten. Lehenbizi umeekin hasi zen eta gero helduekin ere bai. Orain baserriaren zati bat landetxea da.

2. Zazpi urterekin Gasteizera; hizkuntzak irakasteko erabakia

- **Erref:** ESK-092/004
- **Iraupena:** 0:01:19. **Hasi:** 00:03:53. **Bukatu:** 00:05:12
- **Multimedia:** bideoa online ikusgai

Gaia(k):

- Ohiturak eta bizimodua » Hezkuntza » Eskola
- Euskara » Beste hizkuntzak eta hizkerak

Laburpena:

Sei urtetik zazpira Eskoriatzako eskolara joaten zen, oinez. Zazpi urterekin Gasteizera joan zen osabaren etxera eta han hasi zen eskolan. Gogorra izan zen berarentzat euskaratik gaztelaniara kolpetik pasatzea. 15 urterekin hizkuntzak ikasi eta irakatsi behar zituela erabaki zuen.

3. Umetan era askotako jendea baserrira

- **Erref:** ESK-092/005
- **Iraupena:** 0:02:17. **Hasi:** 00:05:12. **Bukatu:** 00:07:29
- **Multimedia:** bideoa online ikusgai

Gaia(k):

- Iritziak » Bizitzarekiko ikuspegia
- Familia eta harremanak » Lagunartea eta familia » Etxeko giroa

Laburpena:

Eskoriatzan dena euskaraz egiten zen. Areano baserrian beti ateak zabalik egoten ziren bera umea zenean eta era askotako jendea joaten zen: eskekoak, mojak, fraideak, guardia zibilak, artistak... Horrek aberastasuna eman ziela uste du. Aitajaunaren anaia bat Japoniara joan zen misiolari. Handik itzultzean etxeko umeak eskolara joan behar zirela esan zuen eta denak eskoletara bidali zituzten. Dominikari Gasteizera joatea tokatu zitzaion.

4. Mendiola auzokoek marianistekin egindako trukea

- **Erref:** ESK-092/007
- **Iraupena:** 0:01:47. **Hasi:** 00:07:54. **Bukatu:** 00:09:41
- **Multimedia:** bideoa online ikusgai

Gaia(k):

- Ohiturak eta bizimodua » Hezkuntza » Fraideak
- Herria, azpiegitura » Herri-antolaketa » Auzoak

Laburpena:

Anaia nagusia Eskoriatzako marianisten eskolara joan zen. Mendiola auzokoek trukea egin zuten marianistekin: uraren truke baserriko mutilentzat eskola ireki zuten. Frantziatik etorriak ziren fraideak eta eskolari Sorbona deitzen zioten.

5. Lehentasuna lanari ala eskolari?

- **Erref:** ESK-092/008
- **Iraupena:** 0:02:11. **Hasi:** 00:09:41. **Bukatu:** 00:11:52
- **Multimedia:** bideoa online ikusgai

Gaia(k):

- Iritziak » Antzinako bizimoduari buruzkoak
- Ohiturak eta bizimodua » Hezkuntza » Goi mailako ikasketak

Laburpena:

Garai batean Arizmendiarieta Arrasateko eskola profesionalera eramateko gazte bila ibili zen baserrietan. Baina baserrietan lan asko zegoen eta jendea behar izaten zen etxean. Familia batzuek lanari ematen zioten lehentasuna eta beste batzuek ikasketei. Euren etxean eskolari eman zioten lehentasuna, Japoniatik etorri zen senideari esker. Berak zortea izan zuen anai-arreba nagusiagoek etxean gurasoei laguntzen zietelako eta osaba-izeben laguntzarekin Magisteritza ikasketak egin ahal izan zituelako.

6. Magisteritza ikasi eta lehen urtea Aretxabaletan

- **Erref:** ESK-092/009
- **Iraupena:** 0:02:15. **Hasi:** 00:11:52. **Bukatu:** 00:14:07
- **Multimedia:** bideoa online ikusgai

Gaia(k):

- Ohiturak eta bizimodua » Hezkuntza » Eskola
- Ohiturak eta bizimodua » Hezkuntza » Goi mailako ikasketak

Laburpena:

Zazpi urterekin jada andereño izan nahi zuela esan omen zuen. Magisteritza ikasketak egin zituen Gasteizen. Orduan eskola nazionaletan hasten ziren lanean Magisteritza ikasitakoak, baina berak ez zuen garbi eta ez zen apuntatu. Aretxabaletan egin zuen urtebete, mojek parrokoaren laguntzaz martxan jarri zuten eskolan. Eskolak gaztelaniaz ematen zituen.

7. Gaztelaniazko klase partikularretatik euskaraz irakastera

- **Erref:** ESK-092/010
- **Iraupena:** 0:02:48. **Hasi:** 00:14:07. **Bukatu:** 00:16:55
- **Multimedia:** bideoa online ikusgai

Gaia(k):

- Politika » Euskara eta politika
- Ohiturak eta bizimodua » Hezkuntza » Eskolaz aparteko ikasketak

Laburpena:

Dominikak unibertsitate ikasketekin jarraitu nahi zuen lan egiten zuen bitartean. Jose Maria Arizmendiarrietak klase partikularrak ematea proposatu zion eta halaxe hasi zen Arrasaten matematika, gramatika eta abar irakasten, gaztelaniaz. Laster Oregi eta Amilibia joan zitzaizkion ea euskarazko klaseak emango zituen galdezka. Donostian ikastaro bat egin ostean, Bergaran hasi zen euskaraz irakasten 1959-1960 inguruan.

8. Ikastaroa Donostian Elbira Zipitriarekin; metodologia

- **Erref:** ESK-092/011
- **Iraupena:** 0:03:26. **Hasi:** 00:16:55. **Bukatu:** 00:20:21
- **Multimedia:** bideoa online ikusgai

Gaia(k):

- Politika » Euskara eta politika
- Ohiturak eta bizimodua » Hezkuntza » Ikastolak

Laburpena:

Elbira Zipitriarekin ikastaro bat egin zuen Donostian, gero euskaraz irakatsi ahal izateko. Zipitriaren metodologia: ona, praktikoa eta arrazoizkoa. Txotxak nola erabiltzen zituzten.

9. Euskarazko eskolak kantu eta jolas bidez

- **Erref:** ESK-092/012
- **Iraupena:** 0:01:58. **Hasi:** 00:20:21. **Bukatu:** 00:22:19
- **Multimedia:** bideoa online ikusgai

Gaia(k):

- Politika » Euskara eta politika
- Ohiturak eta bizimodua » Hezkuntza » Ikastolak

Laburpena:

Gabonetan kantuan irteten ziren etxerik etxe. Elbira Zipitriaren metodologiarekin kantu eta jolas bidez irakasten zituen gauza asko. "Frente de juventudes"en lokalean ematen zituen eskolak Bergaran.

10. Hizkuntzen garrantzia

- **Erref:** ESK-092/014
- **Iraupena:** 0:01:10. **Hasi:** 00:22:50. **Bukatu:** 00:24:00
- **Multimedia:** bideoa online ikusgai

Gaia(k):

- Iritziak » Bizitzarekiko ikuspegia

Laburpena:

Euskaraz irakasten hasi zen sasoian jabetu zen hizkuntzen garrantziaz. Hizkuntzen eta pertsonen arteko lotura. Harremanak, errespetua.

11. Haurreskola gisa hasi zen euskarazko eskolak ematen

- **Erref:** ESK-092/015
- **Iraupena:** 0:01:19. **Hasi:** 00:24:00. **Bukatu:** 00:25:19
- **Multimedia:** bideoa online ikusgai

Gaia(k):

- Politika » Euskara eta politika
- Ohiturak eta bizimodua » Hezkuntza » Ikastolak
- Ohiturak eta bizimodua » Hezkuntza » Eskolaz aparteko ikasketak

Laburpena:

<p>Josu Oregi eta Jose Amilibia joan zitzaizkion Bergaratik bila, euskarazko eskolak emateko. Amilibiaren emazteak, Lide Mujikak (Oregi diote, baina Mujika da), eta Maria Victoria Arizmendik akademia zeukaten. Berea, euskarazkoa, haurreskola gisa hasi zen.</p>

12. Gerraostean euskararen egoera txarra

- **Erref:** ESK-092/017
- **Iraupena:** 0:00:29. **Hasi:** 00:26:41. **Bukatu:** 00:27:10
- **Multimedia:** bideoa online ikusgai

Gaia(k):

- Politika » Euskara eta politika

Laburpena:

Gerraostean euskararen egoera ez zen ona, mugatuta zegoen.

13. Euskarazko eskolekin hastean, ez zuen lege kontuetan pentsatu

- **Erref:** ESK-092/019
- **Iraupena:** 0:01:22. **Hasi:** 00:27:26. **Bukatu:** 00:28:48
- **Multimedia:** bideoa online ikusgai

Gaia(k):

- Politika » Euskara eta politika
- Ohiturak eta bizimodua » Hezkuntza » Ikastolak

Laburpena:

Gerraostean euskararen egoera ez zen ona eta ikastolak sortzea legez kanpokoa zen, baina berak une hartan ez zuen halako gauzetan pentsatu. Euskara bere hizkuntza zen eta prest zegoen hori lantzeko. Ez zen erraza euskaraz irakastea. Orduko esperientziak gerora balio izan dio.

14. Bergarako eskolak utzi eta Parisera

- **Erref:** ESK-092/020
- **Iraupena:** 0:01:04. **Hasi:** 00:28:48. **Bukatu:** 00:29:52
- **Multimedia:** bideoa online ikusgai

Gaia(k):

- Ekonomia eta industria » Kanpora lanera
- Ohiturak eta bizimodua » Hezkuntza » Ikastolak

- Euskara » Beste hizkuntzak eta hizkerak

Laburpena:

Bi ikasturte egin zituen Bergaran euskarazko eskolak ematen. Gero, Arrasatek etorri zen ordezkoa. Bera Parisera joan zen hiru hilabeterako. Han lan egin eta ikasteko aukera sortu zitzaion

15. Lan egin eta ikasteko aukera eman zien gazteei

- **Erref:** ESK-092/021
- **Iraupena:** 0:01:03. **Hasi:** 00:29:52. **Bukatu:** 00:30:55
- **Multimedia:** bideoa online ikusgai

Gaia(k):

- Euskara » Beste hizkuntzak eta hizkerak
- Ohiturak eta bizimodua » Hezkuntza » Eskolaz aparteko ikasketak

Laburpena:

Atzerritik itzuli zenean, gazteei lan egin eta ikasteko aukera ematea izan zen bere lana. Berak gaztetan izan zuen ametsa lortzeko bidea eman nahi izan zien gazteei. Gazte horiek hizkuntzak irakasten zizkieten umeei eta diru pixka bat irabazten zuten euren ikasketetarako.

16. Parisen lanean eta ikasten geratzeko erabakia

- **Erref:** ESK-092/022
- **Iraupena:** 0:02:14. **Hasi:** 00:30:55. **Bukatu:** 00:33:09
- **Multimedia:** bideoa online ikusgai

Gaia(k):

- Ekonomia eta industria » Kanpora lanera
- Ohiturak eta bizimodua » Hezkuntza » Ikastolak
- Euskara » Beste hizkuntzak eta hizkerak

Laburpena:

Ez zen erraza izan gazterik Parisera joatea. Opor sasoiari joan zen, hiru hilabetez frantsesa ikasteko asmoz. Hara iristean Magisteritzako ikaskide bat aurkitu zuen eta hark "au pair" gisa lan egiteko aukeraz hitz egin zion. Orduan han geratzea erabaki zuen, lanean eta ikasten. Amilibiari abisatu zion ez zela itzuliko Bergarara eta Tere Munduate laguna proposatu zion. Baina Arrasateko bat jarri zuen bere ordezkari Amilibiak eta Tere Eibarrera joan zen.

17. Arrasateko kooperatiben bitartez Alemaniara

- **Erref:** ESK-092/023
- **Iraupena:** 0:03:38. **Hasi:** 00:33:09. **Bukatu:** 00:36:47
- **Multimedia:** bideoa online ikusgai

Gaia(k):

- Ekonomia eta industria » Langileen arteko harremana eta langile-mugimenduak
- Ekonomia eta industria » Kanpora lanera
- Euskara » Beste hizkuntzak eta hizkerak

Laburpena:

Urte pare bat Frantzian egin eta gero, Arrasateko kooperatiben bitartez Alemaniara joan zen lanera, fabrika batera, alemana ikasteko helburuarekin. Gorroñoigoitia zen arduraduna. Alemanian iragarki batean ikusi zuen bazegoela eskola bat irakasleak prestatzen zituena, atzerrian alemana irakasteko. Zain egon behar izan zen, baina bi urtez ikasi zuen han. Arizmendiarrietarekin harremana. Kooperatibak orduan hasita zeuden kanpo-harremanekin. Berak orduan ez zuen ikusten alderdi hori, berak ikuspegi pedagogikoagoa zuen.

18. Alemaniatik Arrasatera itzulitakoan, hizkuntzak irakasten

- **Erref:** ESK-092/024
- **Iraupena:** 0:01:08. **Hasi:** 00:36:47. **Bukatu:** 00:37:55
- **Multimedia:** bideoa online ikusgai

Gaia(k):

- Euskara » Beste hizkuntzak eta hizkerak
- Ohiturak eta bizimodua » Hezkuntza » Eskolaz aparteko ikasketak

Laburpena:

Alemanian ibili zenean, besteak beste, ikasi zuen dirua bazegoela baina eskatu egin behar zela. Berak ordurako bazuen proiektua buruan eta Arrasatera itzuli zenean hizkuntzak irakasten hasi zen. Lehenbizi atzerriko hizkuntzak eta gero euskara ere bai.

19. Alemaniako ikasketak eta lana

- **Erref:** ESK-092/025
- **Iraupena:** 0:02:03. **Hasi:** 00:37:55. **Bukatu:** 00:39:58
- **Multimedia:** bideoa online ikusgai

Gaia(k):

- Ekonomia eta industria » Kanpora lanera
- Euskara » Beste hizkuntzak eta hizkerak

Laburpena:

Alemaniarra joan zenean, fabrika batean jardun zuen lanean hasieran. Hango lanak ez zion denbora askorik uzten beste gauza batzuk ikasteko. Orduan, hura utzi eta erresidentziara joan zen. Gero, beka bat lortu eta beste bi urtez alemana ikasten jarraitzeko aukera izan zuen.

20. "Centro de Idiomas Mondragón"en sorrera

- **Erref:** ESK-092/027
- **Iraupena:** 0:02:14. **Hasi:** 00:40:21. **Bukatu:** 00:42:35
- **Multimedia:** bideoa online ikusgai

Gaia(k):

- Euskara » Beste hizkuntzak eta hizkerak
- Ohiturak eta bizimodua » Hezkuntza » Eskolaz aparteko ikasketak

Laburpena:

Alemaniatik itzuli zenean, hizkuntzak irakasten hasi zen: goizetan ALMENEan,

arratsaldean Arrasateko eskola profesionalean eta gauean bertan jarraitzen zuen, helduei eskolak ematen. Handik bost urtera CIM (Centro de Idiomas Mondragón) sortu zen. Ingelesa, frantsesa eta alemana irakasten zituzten hasieran.

21. Alemanian ikasketak eta metodologia berritzeko aukera

- **Erref:** ESK-092/028
- **Iraupena:** 0:01:21. **Hasi:** 00:42:35. **Bukatu:** 00:43:56
- **Multimedia:** bideoa online ikusgai

Gaia(k):

- Euskara » Beste hizkuntzak eta hizkerak
- Ohiturak eta bizimodua » Hezkuntza » Eskolaz aparteko ikasketak

Laburpena:

Arrasaten bost urtez jo eta ke lanean ibili ondoren, beka baten laguntzaz berriz ere Alemanian metodologia eta ikasketak berritzeko aukera sortu zitzaion. Bilboko kontsulatutik joan ziren Arrasatera, lanean ari zela eta nola lan egiten zuten ziurtatzera. Bera Alemanian egon bitartean hango irakasle bat ekarri zuen bere ordezkari eskolak emateko.

22. "Centro de Idiomas Mondragón" zabaltzen joan zen

- **Erref:** ESK-092/029
- **Iraupena:** 0:03:32. **Hasi:** 00:43:56. **Bukatu:** 00:47:28
- **Multimedia:** bideoa online ikusgai

Gaia(k):

- Euskara » Beste hizkuntzak eta hizkerak
- Ohiturak eta bizimodua » Hezkuntza » Eskolaz aparteko ikasketak

Laburpena:

CIM (Centro de Idiomas Mondragón) sortu zenean hiru hizkuntza irakasten zituzten hasieran. Gero euskara irakasten ere hasi ziren. Haurrentzako eta helduentzako eskolak. Berak haurren irakaskuntzari eman zion lehentasuna. Arrasaten hasi eta zabaltzen joan ziren: Bergara, Oñati, Aramaio, Aretxabaleta, Eskoriatza. Berak ipintzen zuen martxan eskola eta gero bere ordezkari beste bat sartzen zen.

23. Ingelesezko udalekuak eta ikasle-trukea atzerriko ikasleekin

- **Erref:** ESK-092/030
- **Iraupena:** 0:01:26. **Hasi:** 00:47:28. **Bukatu:** 00:48:54
- **Multimedia:** bideoa online ikusgai

Gaia(k):

- Euskara » Beste hizkuntzak eta hizkerak
- Ohiturak eta bizimodua » Hezkuntza » Eskolaz aparteko ikasketak

Laburpena:

Ingelesezko Udalekuak antolatzen lehenengoa izan zen. Baserriaren beste bizitza hutsik geratu zenean, zenbait ume eraman zituen, 24 ordu ingelesez pasatzeko, proba gisa. Esperientzia ona izan zenez, nagusiekin gauza bera

egitea proposatu zuen, edozein hizkuntzarekin. Gero, ikasle-trukeak ere egiten zituen atzerriko ikasleekin.

24. Aitzindaria hizkuntzen irakaskuntzaren esparruan

- **Erref:** ESK-092/031
- **Iraupena:** 0:01:14. **Hasi:** 00:48:54. **Bukatu:** 00:50:08
- **Multimedia:** bideoa online ikusgai

Gaia(k):

- Euskara » Beste hizkuntzak eta hizkerak
- Iritziak » Bizitzarekiko ikuspegia
- Ohiturak eta bizimodua » Hezkuntza » Eskolaz aparteko ikasketak

Laburpena:

Aitzindaria izan da hizkuntzen irakaskuntzari lotutako arlo askotan. Bera izan zen leku askotako lehenengo irakaslea. Horren inguruko hausnarketa.

25. Kooperatiban lan egiteko erabakia

- **Erref:** ESK-092/032
- **Iraupena:** 0:02:22. **Hasi:** 00:50:08. **Bukatu:** 00:52:30
- **Multimedia:** bideoa online ikusgai

Gaia(k):

- Ekonomia eta industria » Langileen arteko harremana eta langile-mugimenduak
- Iritziak » Bizitzarekiko ikuspegia

Laburpena:

Alemaniatik itzuli zenean, kooperatiban eta sozietate anonimoan lan egiteko aukera izan zuen, baina kooperatiba aukeratu zuen (CIMen lan egitea), sistema sozialena hori zelako. Alemanian gauza asko ikasi zituen.

26. Ibilbidean aurrera egiteko, bekak eta eskariak

- **Erref:** ESK-092/034
- **Iraupena:** 0:02:01. **Hasi:** 00:52:35. **Bukatu:** 00:54:36
- **Multimedia:** bideoa online ikusgai

Gaia(k):

- Ekonomia eta industria » Langileen arteko harremana eta langile-mugimenduak
- Iritziak » Bizitzarekiko ikuspegia
- Familia eta harremanak » Lagunartea eta familia » Etxeko giroa

Laburpena:

Bere ibilbidean aurrera egiteko, hainbat beka edo eskari egin behar izan zituen, eta ikasiz joan zen. Alemanian ikasketak berritzeko aukera zegoela jakin zuen eta Bilboko kontsulatura joan zen ziurtagiria eskatzera. Arrasaten zer lan egiten zuten erakutsi zion horretarako. Orduan mugimendu handia zegoen kooperatiben inguruan. Alemaniara joan zenean ere, han beste eskari batzuk egin zituen aurrera egiteko.

27. Baserritik jasotako "kultura" edo filosofia

- **Erref:** ESK-092/035
- **Iraupena:** 0:01:17. **Hasi:** 00:54:36. **Bukatu:** 00:55:53
- **Multimedia:** bideoa online ikusgai

Gaia(k):

- Iritziak » Bizitzarekiko ikuspegia

Laburpena:

Gurasoengandik jasotako "kultura" baliatu du bere bizitzan. Baserrian zerbait erein ostean, landu egin behar da gerora uzta jasotzeko. Bestelako lanetan ere berdin egin behar dela dio.

28. Koordinatzaile lana egin beharra, emaitzak lortzeko

- **Erref:** ESK-092/037
- **Iraupena:** 0:03:12. **Hasi:** 00:56:30. **Bukatu:** 00:59:42
- **Multimedia:** bideoa online ikusgai

Gaia(k):

- Iritziak » Bizitzarekiko ikuspegia
- Familia eta harremanak » Lagunartea eta familia » Etxeko giroa

Laburpena:

Berak lan asko egin du bizitzan, baina lanean konpentsazio asko jaso du. Nahiz eta berak irakasle lana nahiago izan, koordinatzaile lana egin behar izan zuen bere proiektuak, eskolak, martxan jartzeko. Berak ez zuen horren inguruko unibertsitate-ikasketarik egin eta bere kabuz egin behar izan zuen bidea.

29. Arrasaten hizkuntzak irakasten hasi zeneko testuingurua: jendearen interesa, prezioak...

- **Erref:** ESK-092/038
- **Iraupena:** 0:03:20. **Hasi:** 00:59:42. **Bukatu:** 01:03:02
- **Multimedia:** bideoa online ikusgai

Gaia(k):

- Euskara » Beste hizkuntzak eta hizkerak
- Ohiturak eta bizimodua » Hezkuntza » Eskolaz aparteko ikasketak

Laburpena:

Arrasaten hizkuntzak irakasten hasi zen garaian, testuingurua nolakoa zen. Hasierako bost urteak gogorak izan ziren. Baina lantegietan hizkuntzak beharrezkoak ziren eta heldu asko hizkuntzak ikastera joaten zen. Orduan, umetatik hizkuntzak ikastearen garrantzia ikusten hasi ziren. Prezioak ere merkeak ziren hasieran; Donostian askoz garestiagoa zen hizkuntzak ikastea. Hizkuntzak umetan ikastearen garrantzia.

30. Euskararekiko sentimendua; hizkuntza eta pertsona

- **Erref:** ESK-092/042
- **Iraupena:** 0:03:08. **Hasi:** 01:06:31. **Bukatu:** 01:09:39
- **Multimedia:** bideoa online ikusgai

Gaia(k):

- Euskara » Euskararekiko sentimendua
- Iritziak » Bizitzarekiko ikuspegia

Laburpena:

Euskara zer den berarentzat: ama-hizkuntza, indarra, goxotasuna. Baina bere iritzi lehengo pertsona da eta gero hizkuntza. Nola komunikatzen garen da garrantzitsuena. Berak gaztelaniaz ikasi zuen eta gauza batzuetarako errazago moldatzen da hizkuntza horretan.

Ahotsak.eus-eko edukiarekin sortutako dokumentu automatikoa.

2026-07-04

CC-by-sa | Ahotsak.eus

Badihardugu Euskara Elkartea

Markeskua Jauregia, 20600 Eibar

943121775 - ahotsak@ahotsak.com